



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“ broj: 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“ broj: 96/13 i 89/16) i člana 18. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

### IZVJEŠTAJ O REVIZIJI GODIŠNJEG FINANSIJSKOG IZVJEŠTAJA ZA 2017. GODINU HRVATSKE SELJAČKE STRANKE BOSNE I HERCEGOVINE

Broj: 03-07-6-403/18  
Sarajevo, 23. maj 2019. godine

## S A D R Ź A J

MIŠLJENJE .....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KONTROLE FINANSIJSKOG IZVJEŠTAJA .....	4
Predmet pregleda i kontrole.....	4
Cilj pregleda i kontrole .....	5
Obim pregleda i kontrole .....	5
4. PRETHODNE KONTROLE I REVIZIJE .....	5
5. NALAZI I PREPORUKE REVIZIJE .....	5
5.1 NALAZI.....	5
5.2. PREPORUKE .....	6

## MIŠLJENJE

Služba za reviziju finansiranja političkih stranaka izvršila je reviziju godišnjeg finansijskog izvještaja Hrvatske seljačke stranke Bosne i Hercegovine za 2017. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Naša odgovornost je da izrazimo mišljenje na osnovu revizije koju smo izvršili.

Reviziju smo izvršili u skladu sa revizijskim standardima. Ovi standardi zahtijevaju da reviziju planiramo i izvršimo na način da prikupimo dovoljno dokaza koji nam, u razumnoj mjeri, pružaju garanciju da je stranka postupala u skladu sa odredbama Zakona o finansiranju političkih stranaka.

Revizija je na osnovu uzoraka ispitivala značajne transakcije koje potvrđuju iznose u finansijskom izvještaju, ocjenu računovodstvenih načela prilikom sastavljanja finansijskih izvještaja i postupanje u skladu sa odredbama Zakona o finansiranju političkih stranaka.

Smatramo da revizija koju smo izvršili pruža razumnu osnovu za izražavanje našeg mišljenja.

**Revizijom godišnjeg finansijskog izvještaja za 2017. godinu, utvrđeno je da je Hrvatska seljačka stranka Bosne i Hercegovine prekršila odredbe člana 11. stav (1), člana 12. stav (1), (2), (4) i (5) Zakona o finansiranju političkih stranaka.**

**Prema našem mišljenju, osim navedenog, revidirani finansijski izvještaj ukazuje da je Hrvatska seljačka stranka Bosne i Hercegovine u 2017. godini postupala u skladu sa odredbama Zakona o finansiranju političkih stranaka.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je reviziju finansijskog izvještaja Hrvatske seljačke stranke Bosne i Hercegovine za 2017. godinu.

Revizija je preduzeta u skladu sa članom 10. stav (1) Zakona o finansiranju političkih stranaka, članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da se revizija obavlja provjerama na bazi uzorka i da postoje ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Hrvatska seljačka stranka Bosne i Hercegovine finansirala se iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica ( 3-a )	0,00	0,00
3.	Prilozi pravnih lica ( 3-b )	0,00	0,00
4.	Prihodi od imovine ( 3-c )	0,00	0,00
5.	Prihodi od dobiti preduzeća u vlasništvu političke stranke ( 3-d )	0,00	0,00
6.	Prihodi od poklona ( 3-e )	0,00	0,00
7.	Prihodi iz budžeta ( 3-f )	0,00	0,00
8.	Prihodi od propagande ( 3-g )	0,00	0,00
<b>I</b>	<b>Ukupni prihodi (1-8)</b>	<b>0,00</b>	<b>0,00</b>
<b>II</b>	<b>Ostali prihodi i drugo</b>	<b>300,00</b>	<b>100,00</b>
	<b>Izvori finansiranja (I+II)</b>	<b>300,00</b>	<b>100,00</b>

U godišnjem finansijskom izvještaju stranka nije iskazala rashode.

## 2. PREDSTAVLJANJE POLITIČKE STRANKE

Naziv političke stranke je Hrvatska seljačka stranka Bosne i Hercegovine. Skraćeni naziv je HSS BiH.

Stranka je registrovana kod Općinskog suda u Mostaru, Rješenjem broj: R/3-16 od 29.02.2016. godine.

Sjedište političke stranke je u Mostaru, ulica Kralja Tomislava 99/IX.

Lice ovlašteno za zastupanje stranke u 2017. godini bio je Ante Jukić, predsjednik stranke<sup>1</sup>.

Lice ovlašteno za podnošenje finansijskih izvještaja za 2017. godinu je Jakov Marić.

Prema podacima iz godišnjeg finansijskog izvještaja za 2017. godinu, Hrvatska seljačka stranka Bosne i Hercegovine nema niže organizacione dijelove.

## 3. OPIS PREGLEDA I KONTROLE FINANSIJSKOG IZVJEŠTAJA

**Predmet revizije** je godišnji finansijski izvještaj Hrvatske seljačke stranke Bosne i Hercegovine za 2017. godinu.

<sup>1</sup> Predsjednik Hrvatske seljačke stranke Bosne i Hercegovine Ante Jukić je, aktom od 01.01.2019. godine, obavijestio Centralnu izbornu komisiju BiH da je podnio ostavku na mjesto predsjednika ove političke stranke, pa će do izbornog sabora HSS-a BiH ovlaštena osoba za predstavljanje stranke biti Igor Martić.

**Cilj revizije** je da se na osnovu provedenih revizijskih procedura pribave revizijski dokazi, koji će revizoru omogućiti da izrazi mišljenje o tome da li je Hrvatska seljačka stranka Bosne i Hercegovine u izvještajnom periodu postupala u skladu sa odredbama Zakona o finansiranju političkih stranaka.

**Obim revizije** finansijskih izvještaja Hrvatske seljačke stranke Bosne i Hercegovine koji obuhvata kontrolu finansijske dokumentacije i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, je bio ograničen iz razloga što je stranka izjavila da nije vodila poslovne knjige i revizorima nije omogućila uvid u finansijsku dokumentaciju, osim u izvode sa svog transakcijskog računa.

#### **4. PRETHODNE KONTROLE I REVIZIJE**

Služba za reviziju je izvršila pregled godišnjeg finansijskog izvještaja Hrvatske seljačke stranke Bosne i Hercegovine za 2016. godinu, nakon čega je izdat izvještaj o pregledu sa mišljenjem revizora, nalazima i preporukama stranci: da vodi poslovne knjige u skladu sa računovodstvenim propisima, da uspostavi potpune i tačne evidencije o svojim rashodima, da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i da finansijske izvještaje podnosi u rokovima propisanim Zakonom o finansiranju političkih stranaka.

#### **Nerealizovane preporuke:**

Na osnovu uočenih nedostataka u godišnjem finansijskom izvještaju za 2017. godinu, utvrđeno je da Hrvatska seljačka stranke Bosne i Hercegovine nije ispoštovala preporuke revizije.

#### **5. NALAZI I PREPORUKE REVIZIJE**

##### **5.1 NALAZI**

**Hrvatska seljačka stranka Bosne i Hercegovine je prekršila odredbe člana 11. stav (1), člana 12. stav (1), (2), (4) i (5) Zakona o finansiranju političkih stranaka.**

Na osnovu obavljene revizije godišnjeg finansijskog izvještaja i finansijske dokumentacije, koju je stranka predočila revizorima, utvrđeno je da Hrvatska seljačka stranka Bosne i Hercegovine nije vodila poslovne knjige u skladu sa računovodstvenim propisima<sup>2</sup>, nije uspostavila tačne evidencije o svojim prihodima i rashodima<sup>3</sup>, nije podnijela godišnji finansijski izvještaj u zakonom propisanom roku<sup>4</sup>, nije u finansijskom izvještaju uključila koristi ostvarene od aktivnosti udruženja koje je povezano sa političkom strankom<sup>5</sup>, finansijski izvještaj nije popunila u skladu sa odredbama Pravilnika o godišnjim finansijskim izvještajima političkih stranaka i na zahtjev Centralne izborne komisije BiH nije dostavila dodatnu finansijsku dokumentaciju<sup>6</sup>, čime je prekršila odredbe člana 11. stav (1) i člana 12. stav (1), (2), (4) i (5) Zakona o finansiranju političkih stranaka.

---

<sup>2</sup> U skladu sa odredbom člana 11. stav (1) Zakona o finansiranju političkih stranaka, politička stranka je dužna voditi poslovne knjige u skladu sa računovodstvenim propisima.

<sup>3</sup> U skladu sa odredbom iz člana 12. stav (1) Zakona o finansiranju političkih stranaka, politička stranka je dužna voditi evidencije o svojim prihodima i rashodima.

<sup>4</sup> Do 31.03. naredne godine politička stranka je dužna podnijeti finansijski izvještaj u formi koju odobri Centralna izborna komisija BiH.

<sup>5</sup> Politička stranka obavezna je u svom izvještaju uključiti sve koristi ostvarene od aktivnosti subjekata koji su na bilo koji način povezani sa političkim strankama ili su pod njenom kontrolom.

<sup>6</sup> Sva lica koja su dužna da podnesu izvještaj moraju da podnesu i dodatne izvještaje koje Centralna izborna komisija BiH zatraži.

- Stranka je uz finansijski izvještaj Centralnoj izbornoj komisiji BiH dostavila izjavu da nije vodila glavnu knjigu, što podrazumijeva poslovne knjige stranke sa evidencijama o prihodima, rashodima obavezama i novčanim tokovima, zbog oskudnog priliva sredstava na račun, te u iste nije imala šta upisati.
- Uvidom u finansijski izvještaj i izvode sa transakcijskog računa utvrđeno je da je stranka u poslovnim knjigama i finansijskom izvještaju kao prihod iz budžeta, u iznosu od 300,00 KM, iskazala povrat svojih sredstava, odnosno povrat takse, koju je uplatila u prethodnoj godini za ovjeru za učešće na Lokalnim izborima 2016. godine.
- Godišnji finansijski izvještaj stranka je Centralnoj izbornoj komisiji BiH podnijela u elektronskoj formi 04.04.2018. godine, a čvrstu kopiju izvještaja, skupa sa potvrdom o podnesenom izvještaju, dostavila je 11.04.2018. godine, iako je rok za podnošenje izvještaja i u elektronskoj i u čvrstoj kopiji bio do 31.03.2018. godine.
- Na osnovu izvoda sa transakcijskog računa, utvrđeno je da stranka u finansijskom izvještaju nije prijavila troškove u iznosu od 367,60 KM, koji se odnose na troškove promocije u iznosu od 163,80 KM, bankarsku proviziju u iznosu od 133,80 KM i uslugu vezanu za predaju završnog računa u iznosu od 70,00 KM.
- U finansijskom izvještaju stranka je dva puta iskazala iste novčane tokove. Promet novca putem transakcijskog računa, koji je prijavila na obrascu 2. finansijskog izvještaja i to: stanje na dan 01.01. u iznosu od 505,00 KM, priliv sredstva u iznosu od 300,00 KM, odliv sredstva u iznosu od 368,00 KM, te stanje na dan 31.12.2017. godine u iznosu od 437,00 KM, stranka je prijavila i kao gotovinski promet putem blagajne. Revizijom nije utvrđeno da je stranka ostvarila gotovinske transakcije putem blagajne, koje je prijavila u finansijskom izvještaju.
- Politička stranka u godišnjem finansijskom izvještaju nije uključila koristi ostvarene od aktivnosti udruženja „Hrvatski narodni sabor Bosne i Hercegovine“, koje je povezano sa političkom strankom, jer je stranka članica ovog udruženja<sup>7</sup>, čime je prekršila odredbe člana 12. stav (2) Zakona o finansiranju političkih stranaka.
- Na zahtjev Centralne izborne komisije BiH, broj: 03-07-6-403-2/18 od 02.10.2018. godine, politička stranka nije, u svrhu kontrole finansijskog izvještaja, dostavila dodatnu finansijsku dokumentaciju, iako je na to bila obavezna u skladu sa odredbom iz člana 12. stav (5) Zakona o finansiranju političkih stranaka. Obzirom da stranka nije postupila po zahtjevu, 23.10.2018. upućena joj je i urgencija da dostavi dokumentaciju. Kako stranka ni nakon urgencije nije dostavila dodatnu finansijsku dokumentaciju, Služba za reviziju je najavila reviziju na terenu u prostorijama ove političke stranke.

## 5.2. PREPORUKE

***Preporučuje se Hrvatskoj seljačkoj stranci Bosne i Hercegovine da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:***

- ***da vodi poslovne knjige u skladu sa računovodstvenim propisima,***
- ***da uspostavi potpune i tačne evidencije o svojim prihodima i rashodima***
- ***da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka,***

---

<sup>7</sup> Hrvatski narodni sabor Bosne i Hercegovine kao udruženje promoviše političke stranke i njene članove, učestvuje u provođenju izborne kampanje i kreira programe koji su bitni samo političkim strankama, članicama ovog udruženja.

- *da u finansijskom izvještaju iskaže koristi ostvarene od aktivnosti subjekata koji su na bilo koji način povezani sa strankom ili su pod njenom kontrolom i*
- *da dostavlja i drugu dokumentaciju po zahtjevu Centralne izborne komisije BiH.*

## **KOMENTAR**

Politička stranka se u ostavljenom roku nije očitovala na nalaze revizije navedene u Preliminarnom izvještaju o reviziji godišnjeg finansijskog izvještaja za 2017. godinu.

Pomoćnik revizora

Šef Službe za reviziju, revizor

Anela Burdžović Kapić

Mr.sc. Hasida Gušić